# Ўзбекистон Республикаси номидан **ХАЛ КИЛУВ КАРОРИ**

### Қўрғонтепа тумани

## 2024 йил 16 сентябрь

Судья: Н.М.Ахматбеков

Қўрғонтепа туманлараро иктисодий суди, судья Н.М.Ахматбеков раислигида, судья ёрдамчиси А. Халимжоновнинг суд мажлиси котиблигида, даъвогар-Ўзбекистон Республикаси Савдо-саноат палатаси Андижон вилояти худудий бошқармасининг "Imperial Stroy" масъулияти чекланган жамияти манфаатида жавобгар "Zamonaviy Landshaft Qurilish" масъулияти чекланган жамиятидан 144 683 990,90 сўм асосий қарз, 72 341 995,45 сўм пеня ундириш тўғрисидаги аризаси бўйича даъво ишни даъвогар С.Бекжонов(ишончнома асосида) ва жавобгар рахбари А.Асранов(паспорт асосида)ларнинг иштирокида Қўрғонтепа туманлараро иктисодий суди биносининг суд мажлисида кўриб чикиб, куйидагиларни

#### аниклади:

Ўзбекистон Республикаси Савдо-саноат палатаси Андижон вилояти худудий бошқармаси "Imperial Stroy" масъулияти чекланган жамияти манфаатида (бундан буён матнда "даъвогар" деб юритилади) Қўрғонтепа туманлараро иқтисодий судига даъво ариза билан мурожаат қилиб, "Zamonaviy Landshaft Qurilish" масъулияти чекланган жамияти (бундан буён матнда "жавобгар" деб юритилади)дан 144 683 990,90 сўм асосий қарз, 72 341 995,45 сўм пеня ундиришни сўраган.

Суд мажлисида иштирок этган даъвогар вакили даъвони қўллабкувватлаб, жавобгар томонидан қарздорлик тўланмай келаётганлиги, берилган талабномалар оқибатсиз қолдирилганлиги сабабли судга мурожаат қилганлигини билдириб, даъво талабларини тўлиқ қаноатлантириб беришни сўради.

Суд мажлисида иштирок этган жавобгар рахбари асосий қарзни тан олиб, бугунги кунда молиявий холати оғирлигини билдириб, пеня ундириш талабини камайтиришни қилишни сўради.

Суд мажлисида Палата вакили иштирок этмади. иш хужжатларида суд мажлиси вакти ва жойи ҳақида тегишли тартибда ҳабардор эканлиги ҳақида маълумот мавжуд.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 170-моддасига асосан, суд ишни палата вакили иштирокисиз кўриб чикишни лозим топди.

Суд, тараф вакилларининг тушунтиришларини тинглаб, ишдаги хужжатларни ўрганиб, даъвони қисман қаноатлантиришни лозим топади.

Ўзбекистон Республикаси Фукаролик кодексининг (бундан буён матнда "ФК" деб аталади) 234-моддаси иккинчи қисмига кўра мажбуриятлар шартномадан, зиён етказиш натижасида ҳамда ушбу Кодексда кўрсатилган бошқа асослардан келиб чиқади.

Ишдаги хужжатларига кўра, тарафлар ўртасида 2022 йил 2 сентябрда 17-сонли шартнома тузилган.

Шартномага кўра, даъвогар томонидан жавобгарга тайёр бетон қоришмаси маҳсулотини етказиб берилган. Шартноманинг умумий баҳоси 144 900 000 сўмни ташкил қилган.

Даъвогар томонидан электрон хисоб-фактураларга асосан 2022 йил 30 сентябрда 84 911 400 сўмлик, 2022 йил 31 октябрда 53 727 218 сўмлик хамда 2022 йил 31 декабрда 6 045 372,90 сўмлик жами 144 683 990,90 сўмлик бетон қоришмаси махсулотларини етказиб берганлиги ўз исботини топган.

Жавобгар томонидан қарздорлик тўланмаганлиги натижасида 144 683 990,90 сўм қарздорлик юзага келган.

Шу сабабдан, даъвогар даъво аризасида жавобгардан 144 683 990,90 сўм асосий қарздорликни ундириб беришни сўраган.

Тарафлар ўртасида тузилган шартноманинг 2.1-бандига кўра, "Харидор" шартнома имзоланган кундан бошлаб 5 календар кун ичида олинадиган товар суммасининг 100 фоиз микдорда олдиндан тўлаш мажбуриятини олган бўлиб, шартноманинг 2.2-бандига кўра, "Сотувчи" аванс маблағлари келиб тушган кундан бошлаб, 30 кун ичида товарларни етказиб бериш мажбуриятини ўз зиммасига олган.

Даъвогар томонидан шартнома мажбуриятлар бажарилган бўлиб, жавобгар эса шартномавий мажбуриятини қисман бажармаган.

ФКнинг 236-моддасига асосан мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганда эса — иш муомаласи одатларига ва одатда қуйиладиган бошқа талабларга мувофиқ, лозим даражада бажарилиши керак.

Даъвогар томонидан жавобгарга қарздорликни тўлаш юзасидан юборилган талабнома жавобгар томонидан оқибатсиз қолдирилган.

Суд даъвогарнинг жавобгардан 144 683 990,90 сўм асосий қарз ундириш талабини тўлиқ қаноатлантиришни лозим топади.

Бундан ташқари, даъвогар ўзининг даъво талабида ҳар бир кечиктирилган кун учун кечиктирилган тўлов суммасининг 50 фоизидан ошмаган миқдорда 72 341 995,45 сўм пеня ундиришни сўраган.

ФКнинг 324-моддасига кўра, қарздор мажбуриятни бажармаганлиги ёки лозим даражада бажармаганлиги туфайли кредиторга етказилган зарарни тўлаши шарт.

ФКнинг 333-моддасига кўра, қарздор айби бўлган такдирда мажбуриятни бажармаганлиги ёки лозим даражада бажармаганлиги учун, агар қонунчиликда ёки шартномада бошқача тартиб белгиланмаган бўлса, жавоб беради.

Шартноманинг 4.1-бандида "Харидор" "Сорувчи"га муддати ўтказиб юборилган ҳар бир кун учун муддати ўтказиб юборилган тўлов суммасининг 0,4 фоизи микдорида, бирок муддати ўтказиб юборилган тўлов суммасининг 50 фоизидан ортик бўлмаган микдорда пеня тўлаш белгиланган.

Бироқ, ФКнинг 326-моддасига кўра, агар тўланиши лозим бўлган неустойка кредиторнинг мажбуриятини бузиш оқибатларига номутаносиблиги кўриниб турса, суд неустойкани камайтиришга ҳақли. Бунда қарздор мажбуриятни қай даражада бажарганлиги, мажбуриятда иштирок этаётган тарафларнинг мулкий аҳволи, шунингдек кредиторларнинг манфаатларини эътиборга олиниши керак.

Суд алохида холларда карздор ва кредиторларнинг манфаатларини хисобга олиб, кредиторга тўланиши лозим бўлган неустойкани камайтириш хукукига эга.

Узбекистон Республикаси Олий хўжалик суди Пленумининг 2007 йил 15 июндаги 163-сонли "Мажбуриятларни бажармаганлик ёки лозим даражада бажармаганлик учун мулкий жавобгарлик тўгрисидаги фукаролик конун хужжатларини қўллашнинг айрим масалалари хақида"ги 4-бандига кўра, ФКнинг 326-моддасига мувофик суд қарздор томонидан мажбуриятларнинг бажарилиш даражасини, мажбуриятда иштирок этувчи тарафларнинг мулкий ахволини, шунингдек кредиторнинг манфаатларини эътиборга олиб, неустойка микдорини камайтиришга хакли.

Тарафлар ўртасидаги шартноманинг 2.1 бандига кўра, жавобгар 100% олдидан тўловни амалга ошириш назарда тутилган бўлиб, жавобгар томонидан олдидан тўлов амалга оширилмаган бўлсада, махсулот жавобгарга етказиб берилганлиги натижасида, даъвогар ўз вактида муддати ўтган қарздорликни ундириш чораларини кўрмасдан, пеняни ассосиз кўпайиб кетишига йўл кўйган.

Мазкур холатда ундирилиши сўралган пеня суммасини суд жавобгарнинг мажбуриятини бузиш оқибатларига номутаносиб деб хисоблайди ва унинг микдорини 10 200 000 сўмга қадар камайтиришни лозим топади.

Ўзбекистон Республикаси Иктисодий процессуал кодексининг 118-моддаси биринчи қисмига кўра суд харажатлари ишда иштирок этувчи шахсларнинг каноатлантирилган даъво талаблари микдорига мутаносиб равишда уларнинг зиммасига юклатилади.

Юқоридагиларга асосан суд, даъвогарнинг даъво талабини қисман қаноатлантириб, жавобгардан даъвогар фойдасига 144 683 990,90 сўм асосий қарз, 10 200 000 сўм пеня 34 000 сўм почта харажати, Республика бюджетига 4 340 519,72 сўм давлат божи ундиришни лозим топади.

Бинобарин, суд Ўзбекистон Республикаси Иктисодий процессуал кодексининг 118, 176-180, 186- моддаларини қўллаб,

#### карор килади:

даъвогарнинг даъвоси қисман қаноатлантирилсин.

Жавобгар "Zamonaviy Landshaft Qurilish" масъулияти чекланган жамияти хисобидан:

-даъвогар "Imperial Stroy" масъулияти чекланган жамияти фойдасига 144 683 990,90 сўм асосий қарз, 10 200 000 сўм пеня ва 34 000 сўм почта харажати;

-Республика бюджетига 4 340 519,72 сўм давлат божи ундирилсин.

Даъвонинг колган кисмини каноатлантириш рад килинсин.

Хал қилув қарори қонуний кучга киргач ижро варақалари берилсин.

Андижон вилоят судига апелл тартибида шикоят (протест) к

Мазкур ҳал қилув қар тараф бир ойлик муддат ичида а, конуний кучга киргач кассация

Раислик қилувчи, Судья

Н.М.Ахматбеков